



ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 31 БАСПАСӨЗ РЕЛИЗИ

2007 ЖЫЛҒЫ 17 ТАМЫЗ

Халықаралық резервтер
және ақша базасы туралы

1. Халықаралық резервтер және ақша базасы. Қазақстан Республикасы Ұлттық Банкінің халықаралық резервтері (Ұлттық қордың ақшасын есепке алмағанда) және ақша базасы 2007 жылғы 15 тамызда мыналарды құрады:

	Ағымдағы бағамен	Тұрақты бағамен ¹
Таза халықаралық резервтер, млн. долл. оның ішінде:	21 730,0	21 661,5
ЕАВ ² -мен таза активтер	20 284,5	20 284,5
Алтын	1 445,5	1 377,0
Ақша базасы, млрд. теңге	1 641,8	1 641,8
Тар ақша базасы ³ , млрд. теңге	1 636,2	1 636,2
ЕДБ ⁴ ҚРҰБ-дегі мерзімді депозиттері, млрд. теңге	5,6	5,6
KZT/USD (кезең соңында)	125,50	127,00
Алтынның бағасы (1 трой унциясына USD-мен)	667,35	635,70

1 теңгенің АҚШ долларына бағамы және алтынның бағасы 2006 жылдың соңындағы дерекпен көрсетілген.

2 ЕАВ-мен таза активтер – бұл жалпы активтер мен резидент еместер алдындағы міндеттемелер арасындағы ЕАВ-мен айырма

3 тар ақша базасы – бұл ЕДБ-дің ҚРҰБ-дегі мерзімді депозиттерін есепке алмағандағы ақша базасы

4 ЕДБ – екінші деңгейдегі банктер

2007 жылғы тамыздың бірінші жартысында Ұлттық Банктің халықаралық резервтері азайды.

Ұлттық Банктің таза халықаралық резервтері ағымдағы бағамен 7,1 % (немесе 1667,2 млн. долл.) азайды.

Ішкі валюта нарығында валюта сату, екінші деңгейдегі банктердің Ұлттық Банктегі шетел валютасымен корреспонденттік шоттарындағы қалдықтардың азаюы, Қаржыминінің сыртқы борышына қызмет көрсету Үкіметтің шоттарына валюта түсімдеріне қарамастан таза валюта қорларының азаюына әкеліп соқтырды.

Нәтижесінде таза валюта қорлары (ЕАВ) 1668,5 млн. долл. азайды, алтынның әлемдік нарықтағы бағасының 0,1 % өсуі нәтижесінде алтынмен активтер 1,3 млн. долл. өсті.

Ұлттық Банктің таза халықаралық резервтері тұрақты бағамен 7,2 %, ЕАВ-мен таза активтері - 7,6 % азайды, алтындағы активтер өзгерген жоқ.

Елдің халықаралық резервтері тұтастай алғанда (ағымдағы бағамен) Ұлттық қордың ақшасын қоса есептегенде (алдын ала деректер бойынша 18 056,6 млн. долл.), 4,1% азайды және 39 799,6 млн. долл. болды.

2007 жылғы тамыздың бірінші жартысында Ұлттық Банктің таза халықаралық резервтерінің азаюы ақша базасының 3,2% (немесе 54,6 млрд. теңгеге) тарылуына себепші болды.